



An Príomh-Chlár Creidmheasa

Bileog Eolais

Ráiteas Míniúcháin a chur isteach i mo
Thuarascáil Chreidmheasa

www.centralcreditregister.ie/ga/



Banc Ceannais na hÉireann
Central Bank of Ireland

Eurosystem

Céard is Ráiteas Míniúcháin ann?

Is ionann Ráiteas Míniúcháin agus ráiteas 200 focal ar a mhéad maidir le faisnéis atá i do Thuarascáil Chreidmheasa. B'fhéidir gur mhaith leat teagmhas nó imthosca a bhaineann le d'iasacht(aí) a mhíniú. B'fhéidir gur mhaith leat úsáid a bhaint as an Ráiteas Míniúcháin chun aird iasachtóra a tharraingt ar ní ar leith.

Maidir leis an Ráiteas Míniúcháin:

- caithfidh go mbainfidh sé leatsa amháin;
- caithfidh go mbainfidh sé le faisnéis a bheidh ar an bPríomh-Chlár Creidmheasa fút;
- beidh 200 focal ar a mhéad ann.

Ní ceadmhach an méid seo a leanas a bheith ráitis chlúmhilleacha nó gháirsiúla maidir le duine eile.

Is túsa údar agus foilsitheoir an ráitis seo.

Tabhair faoi deara, le do thoil, nach féidir le Banc Ceannais na hÉireann freagracht a ghlacadh as aon Ráiteas Míniúcháin a fhoilseoidh tú. Tá sé seo i gcomhréir le hAlt 12 den Acht um Thuairisciú Creidmheasa 2013.

Cé leis an fhaisnéis seo?

Is leis an Banc Ceannais an fhaisnéis a choinneofar ar an bPríomh-Chlár Creidmheasa. Is rialaitheoir sonraí é an Banc Ceannais faoi na hAchtanna um Chosaint Sonraí. Aon fhaisnéis a tharchuirfidh iasachtóirí chuig an bPríomh-Chlár Creidmheasa, úsáidfear í chun Tuarascálacha Creidmheasa aonair a chruthú. Féadfaidh go gcuideoidh Tuarascáil Chreidmheasa le hiasachtóirí nuair a bheidh cinntí á ndéanamh acu maidir le hiasachtaí nó maidir le hiarratais ar iasachtaí. Tá tuilleadh eolais maidir le bailiú agus úsáid do chuid sonraí ar fáil ar centralcreditregister.ie áit a bhfuil nasc chuig fógra príobháideachais an Bhainc Ceannais maidir le cosaint sonraí.

Conas a chuirfidh mé Ráiteas Míniúcháin isteach i mo Thuarascáil Chreidmheasa?

Is féidir é seo a dhéanamh go héasca ar líne.

Is féidir leat an fhoirm iarratais ar líne a chomhlánú chun Ráiteas Míniúcháin a chur isteach i do Thuarascáil Chreidmheasa ar centralcreditregister.ie.

Ní mór duit d'fhoirm iarratais chomhlánaithe a phriontáil agus a uaslódáil i dteannta le do chuid doiciméad aitheantais.

Nó is féidir leat ríomhphost a chur chugainn ag: myrequest@centralcreditregister.ie ó is féidir leat litir a chur chuig:

An Príomh-Chlár Creidmheasa, Adelphi Plaza, Sráid Sheoirse Uachtarach, Dún Laoghaire, Co. Bhaile Átha Cliath, Éire.

Déan cinnte go gcuireann tú do chuid doiciméad aitheantais i dteannta le do chomhfhreagras.

Cén fáth a gcaithfidh mé doiciméid aitheantais a chur isteach?

Beidh cruthúnas ar chéannacht ag teastáil uainn chun leanúint le d'iarratas. Ar an gcaoi sin, cinntítear go bhfuiltear ag cloí leis na cearta um chosaint sonraí.

Beidh ort cóipeanna inléite de dhoiciméid a chur ar fáil chun an méid seo a leanas a chruthú:

1. Do chéannacht

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheart go mbeadh an doiciméad sin breis agus 6 mhí níos sine ná a dháta éagtha):

- leathanach aitheantais agus sínithe do phas; nó
- an taobh aitheantais (grianghraf agus síniú) de do cheadúnas tiomána AE.

Má tá cóip de cheadúnas tiomána páipéir á cur ar fáil agat, déan cinnte go gcuireann tú na 3 leathanach ar fáil.

2. Do sheoladh

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheart go mbeadh an doiciméad sin breis agus 6 mhí níos sine ná dáta d'iarratais):

- bille fónais nó bille líne thalún teileafóin;
- ráiteas ó bhanc, ó chumann foirgníochta nó ó chomhar creidmheasa;
- litir a bheidh dírithe ort ón Roinn Gnóthaí Fostaíochta agus Coimirce Sóisialaí nó ó na Coimisinéirí Ioncaim;
- litir a bheidh dírithe ort ó aon chomhlacht reachtúil eile nó ó aon ghníomhaireacht Stáiteile; nó
- litir a bheidh dírithe ort ó chuideachta árachais maidir le polasaí árachais reatha.

3. Uimhir PSP

Uaslódáil cóip d'aon cheann AMHÁIN de na doiciméid seo a leanas ar a dtaispeántar do **UPSP IOMLÁN**. Tá 7 n-uimhir mar aon le 1 nó 2 litir san UPSP. Tabhair faoi deara le do thoil gur gá go mbeidh an téarma "UPSP" le feiceáil go soiléir ar dhoiciméad a úsáidfear mar chruthúnas ar UPSP.

- Cárta Seirbhísí Poiblí - an dá thaobh (éadan agus cúl)
- Cárta leighis
- Cárta don Scéim Íocaíochta Drugaí
- Comhfhreagras a bheidh dírithe chugat ón Roinn Coimirce Sóisialaí nó ó na Coimisinéirí Ioncaim
- Measúnú Cánach nó Fógra maidir le Creidmheasanna Cánach
- Duillín pá, nó Achoimre Sonraí Fostaíochta ó na Coimisinéirí Ioncaim.
- Is féidir an Cárta Eorpach um Árachas Sláinte arna eisiúint ag Rialtas na hÉireann a úsáid freisin i gcás gurb é an *Uimhir Aitheantais Phearsanta* do UPSP

Féach ár Ráiteas maidir le Cosaint Sonraí ag centralcreditregister.ie chun tuilleadh eolais a fháil maidir leis an gcaoi ina bpróiseáil do chuid faisnéise pearsanta.

I gcás iarratas poist, íoslódáil foirm iarratais ag

<https://www.centralcreditregister.ie/ga/iasachtaithe/iarratas-a-chur-isteach-agus-do-chearta-eile/iarratais-poist/> nó déan teagmháil linn ag myrequest@centralcreditregister.ie.

Cá fhad a mhairfidh an Ráiteas Míniúcháin?

Beidh an Ráiteas Míniúcháin i do Thuarascáil Chreidmheasa:

- go dtí go dtreoróidh tú dúinn i scríbhinn é a bhaint; nó
- go dtí go mbeidh os cionn cúig bliana caite ó aisíocadh an iasacht lena mbaineann sé.

Conas a bheidh a fhios agam gur cuireadh an Ráiteas Míniúcháin isteach i mo Thuarascáil Chreidmheasa?

Tabharfaimid fógra i scríbhinn duit nuair a bheidh an Ráiteas Míniúcháin curtha isteach i do Thuarascáil Chreidmheasa.

Cé a bheidh in ann Ráiteas Míniúcháin ar mo Thuarascáil Chreidmheasa a fhéiceáil?

Beidh do Ráiteas Míniúcháin le feiceáil ag iasachtóir, agat féin nó ag duine a mbeidh cead tugtha agat dó nó di rochtain a fháil ar do Thuarascáil Chreidmheasa.

Is féidir le hiasachtóirí do Thuarascáil Chreidmheasa a iarraidh sna cásanna seo a leanas:

- má tá iarratas déanta agat ar iasacht nua;
- má tá iarratas déanta agat chun téarmaí iasachta reatha a athrú; nó
- má tá tú ar gcúl le haisíocaíochtaí ar iasacht reatha nó má tá an teorainn ar chárta creidmheasa nó ar rótharraingt sáraithe agat.

Tuilleadh Faisnéise

Ar líne: www.centralcreditregister.ie/ga/
Ríomhphost: myrequest@centralcreditregister.ie
Líne Thalún: 01 224 5500

Lúnasa 2024